



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

LXXXVIII. Constitutio super Ereptione Collegii ex Referendariis Utriusque
Signaturæ, & super qualitatibus admittendorum deinceps in
Referendarios.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

LXXXVII.

Quod in causa Fabricæ Genuensis Collegii Societatis JESU, & Fratrum Minorum de Observantia Nunciata, Presbyteri Societatis non possint impediri quominus cæptam Ecclesiam perficere possint.

ALEXANDER PAPA VII.

Ad futuram rei memoriam.

Edita A. D.
1660.

Motiva.

Exponi Nobis nuper fecerunt dilecti filii Presbyteri Regulares Collegii Genuensis Societatis JESU, quod in causa fabricæ inter ipsos Exponentes ex una, & dilectos pariter filios Fratres Conventus Genuensis Ordinis Fratrum Minorum Sancti Francisci de Observantia nuncupatorum ex altera partibus vertente, alias, videlicet, die 23. Augusti 1652. Congregatio tunc existentium S. R. E. Cardinalium negotiis, & consultationibus Episcoporum, & Regularium præposita partibus pluries auditis, juribusque hinc inde deductis maturè perpensis censuit revocandam esse prohibitionem, omneque prorsus removendum impedimentum, prout per suum Decretum eadem die emanatum revocavit, & removit prædictis Exponentibus, quominus cæptam dicti Collegii Genuensis Ecclesiæ structuram prosequi, & perficere possent; dummodo in angulo ejusdem Ecclesiæ Orientem versus, & è regione fenestræ magnæ ambulacri infirmariæ Fratrum Minorum prædictorum, proprium murum ad Balbos olim pertinentem transgredi, aut aliquam servitutem etiam fillicidii, in subjectam aream, seu vacuum inferius eorumdem Fratrum Minorum inducere nequirent; & ita observari mandavit, contrariis quibuscumque non obstant.

§. 1. Et subinde cum in Signatura Gratiaæ scilicet. Innocentii Papæ X. prædecessoris nostri deductæ fuissent novæ instantiæ dictorum Fratrum Minorum super fabrica novæ Ecclesiæ Collegii supradicti, idem Innocentius prædecessor negotium hujusmodi ad prædictam Cardinalium Congregationem remisit, ut desuper, aliquem ex Auditoribus causarum Palatii Apostolici deputaret, quæ Cardinalium Congregatio eam rem demandavit tunc existentibus eorumdem Auditorum Decano, ut ille, vel alius, qui ipsi Decano videretur ex dictis Auditoribus, in causa hujusmodi procederet.

§. 2. Cum autem, sicut eadem expositio subjungebat, subsequenter ambæ partes ab Auditorio Rotæ Romanæ inhibitionem in forma expediri curaverint, causaque diu siluerit; Nos verò successivè, prædictis omnibus narratis, & benè cognitis causam, & partes prædictas ad memoratam Cardinalium Congregationem remisimus, ut eademmet negotium expediret, & super expeditione perpetuum silentium imponeret; Et subinde prædictis Fratribus Minoribus coram dilecto filio nostro Marco Antonio tit. S. Mariæ de Pace S. R. E. Presbytero Cardinale Franciotto nuncupato, ejusdem causæ Ponente, ac coram dilecto filio Secretario d. Congregationis, ipsaque Congregatione pluries citatis, necnon in contradictorio auditis, pluribusque dilationibus concessis, & denique facta oppositione per dictos Fratres Minores, median. precibus Nobis porrectis, ut denudò causa ad Auditorium Rotæ prædictæ, vel Signaturam nostram remitteretur; Nos per dictam Cardinalium Congregationem procedi mandaverimus: Cumque exhibita fuerint ex utraque parte jura, & scripturæ, distique Exponentes, ut tandem huic controversiæ finis imponatur, oportune à Nobis in præmissis provideri plurimum desiderent.

§. 3. Nos specialem ipsis exponentibus gratiam facere volentes, & eorum singulares personas à qui-

buis excommunicationis, suspensionis, & interdicti, aliisque Ecclesiasticis sententiis, censuris, & penis à jure, vel ab homine quavis occasione, vel causa latis, si quibus quomodolibet innodata existunt ad effectum præsentium dumtaxat consequendum, harum serie absolventes, & absolutas fore censentes. Supplicationibus eorum nomine nobis super hoc humiliter porrectis inclinati, de prædictæ Congregationis venerabilium fratrum nostrorum ejusdem S. R. E. Cardinalium negotiis, & consultationibus Episcoporum, & Regularium præpositæ, quæ partibus pluries citatis, auditis, & informantibus rem exactè, & maturè discussit, ac in Decretis sub die 23. Augusti 1652. standum esse censuit, consilio, auctoritate Apostolica tenore præsentium revocamus prohibitionem, omneque prorsus removemus impedimentum prædictis Presbyteris Societatis JESU, quominus cæptam Collegii Genuensis Ecclesiæ structuram prosequi, ac perficere possint; dummodo in angulo ejusdem Ecclesiæ Orientem versus, & è regione fenestræ magnæ ambulacri infirmariæ dictorum Fratrum Minorum de Observantia, proprium murum dictorum Presbyterorum Societatis JESU, ad Balbos olim pertinentem transgredi, aut aliquam servitutem, etiam fillicidii, in subjectam aream, seu vacuum inferius eorumdem Fratrum Minorum inducere nequeant. Ac dd. Fratribus Minoribus super negotio fabricæ prædictæ, & omnibus præmissis perpetuum silentium auctoritate, & tenore prædictis imponimus, atque ita servari mandamus: salva semper in præmissis auctoritate Congregationis eorumdem Cardinalium.

§. 4. Decernentes easdem præsentibus litteras semper firmas, validas, & efficaces existere & fore, suosque plenarios, & integros effectus sortiri, & obtinere, ac illis ad quos spectat & pro tempore spectabit plenissimè suffragari; Sicque in præmissis per quoscumque Judices Ordinarios, & delegatos etiam causarum Palatii Apostolici Auditores, sublata eis, & eorum cuilibet quavis aliter judicandi, & interpretandi facultate, & auctoritate judicari, ac definiti debere, ac irritum, & inane, si secus super his à quoquam quavis auctoritate, scienter, vel ignoranter contigerit attentari.

§. 5. Non obstantibus præmissis, ac constitutionibus, & ordinationibus Apostolicis, necnon quatenus opus sit Conventus, & Ordinis prædictorum, aliisque quibusvis etiam juramento, confirmatione Apostolica, vel quavis firmitate alia roboratis, Statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis habentes, illis aliàs in suo robore permansuris, ad præmissorum effectum, hac vice dumtaxat specialiter, & expressè derogamus, cæterisque contrariis quibuscumque.

Datum Romæ apud S. Petrum sub Annulo Piscatoris, die 12. Martii 1660. Pontificatus Nostri Anno quinto.

Constitutio super Ereptione Collegii ex Referendariis Utriusque Signaturæ, & super qualitatibus admittendorum deinceps in Referendarios.

De Referendariorum utriusque Signaturæ privilegiis Paul. III. Constitut. 23. & nonnulla in commissionibus, & causis proponendis observanda præscripserunt Pius IV. Constit. 59. Paul. V. Constit. 71. De eorum numero, & qualitatibus Sixti V. Constit. 41.

Confirmat
prout in rub.

Decretum
irritans.

Contrariis
derogat.

Dat. P. A. S.
die 12. Mar.

LXXXVIII.

Edita A. D. 1660.

ALEXANDER EPISCOPUS,

Servus Servorum Dei. Ad futuram rei memoriam.

Exordium.

Inter ceteras Apostolicæ sollicitudinis curas, quibus incessanter urgemur, ea semper nobis cordi fuit, ut Prælati Romanæ Curie, qui tanquam Stella in Firmamento militantis Ecclesiæ relucet, ac in arduis quibusque negotiis Apostolicæ Sedi opera, & consilio præstare debeant, si demum deligantur, qui optima indole, moribus, ac litteris præstantiores ceteris veræ virtutis exemplar se ipsos præferunt. Ad hæc sanè licet nonnulli Summi Pontifices Prædecessores nostri eorum Constitutionibus, multa præsertim pro Referendariis utriusque Signaturæ statuerint, quorum tamen nonnulla temporum cursu, ut sæpè solet, antiquata, & forsân neglecta fuerunt; propterea Nos illa innovare, ac pristina observantiæ restituere, & aliqua etiam addere, quæ rerum experientia docuit expedire, duximus opportunum.

Innovat prædecessorum cont.

§. 1. Hac igitur nostra perpetuè valitura Constitutione prædictas nostrorum prædecessorum in illis partibus, quæ præsentibus non adversantur, aut alias legitime reformatæ non fuerint confirmamus, & innovamus: Insuper erigimus, & instituimus Collegium eorundem Referendariorum, quod volumus representari ex duodecim Votantibus Signaturæ Justitiæ de corpore, ac numero ipsorum Referendariorum electis, & in posterum eligendis, quorum caput, ac moderatorem perpetuè constituimus Præfectum ejusdem Signaturæ Justitiæ pro tempore existentem; & antiquior eorum in officio appellabitur Decanus.

Officium Decani.

§. 2. Horum autem officium erit formare inquisitiones, ac processus super qualitatibus eorum, qui ad præfatam Referendarii munus, ac dignitatem admittendi erunt, prout singulis à Præfecto Signaturæ specialiter rescripto demandabitur, ut infra statutum est. Præterea eidem Decano, & Collegio incumbet ceteros Referendarios, præsertim in posterum recipiendos diligenter instruere de his, quæ spectant ad exercitium eorum officii, & omnibus intimare decreta, & ordinationes quascumque tam nostras, quam ejusdem Præfecti, eorum personas, ac munus concernentes, & concernentia, necnon dies, ac tempora, & servitia à singulis eorum nobis tam in Capella nostra, quam in aliis functionibus præstanda, ac etiam curare, ut tabellæ indicantes Signaturas, & Congregationes faciendas congruis temporibus à ministris deputatis, ut moris est, exponantur, ac omnibus demum incumbere, quæ totius Ordinis interesse concernent.

Forma convocandi Collegium.

§. 3. Quoties verò dictum Collegium convocari, & coadunari necesse erit, requiratur prius licentia Præfecti, & de ejus mandato per Decanum convocetur, atque in domo habitationis ejusdem Præfecti, & non alibi, nec aliter convocari, & coadunari possit, nisi de expresso ejusdem Præfecti consensu, ac licentia in scriptis tantum præstanda.

Collegii privilegia.

§. 4. Volumus autem præfatam Collegium à nobis institutum eisdem privilegiis, & exemptionibus perfrui, ac potiri, quibus cetera Collegia Prælatorum Romanæ Curie potiuntur, & gaudent.

Cooptandum in ordine Referendariorum processus.

§. 5. Porro illi, qui in ordinem Referendariorum cooptari petent, ante omnia curabunt, ut relata nobis, & successoribus nostris à Præfecto Signaturæ eorum instantia nostrum, ac successorum præfatorum beneplacitum præcedat: Deinde ut ab eodem Præfecto unus ex Prælatibus præfati Collegii delegetur pro conficiendo processu, in quo infrascriptæ instantium qualitates legitime justificentur. Primò scilicet ut ex vero, & legitimo matrimonio, & probis, ac honestis parentibus nati, & procreati sint, ac bonæ indolis vitæ, ac famæ prorsus inculpata fuerint, atque

in vigesimo quinto ætatis anno constituti: Præterea in aliqua publica Universitate studiis legalibus saltem per quinquennium operam dederint, ac in eadem utriusque juris scilicet Canonici, & Civilis Lauream Doctoratus assecuti fuerint: atque annuos etiam redditus summam scutorum mille quingentorum monetæ constituentes verè ac realiter, & pacificè possideant, vel à parentibus, aut propinquis fuerint illis validè assignati: Ac demum in hac Curia Romana saltem per biennium versati fuerint, & studio præceos penes aliquem ex Auditoribus Rotæ nostræ, vel alios Prælatos, Officiales, seu Advocatos ejusdem Curie sedulo incubuerint: super quibus compilato diligenter processu fiat à Ponente, seu delegato illius relatio in Collegio, cui si videantur probata sufficienter præmissa, tunc Orator admittatur ad examen, assignatis illi (ut moris est) duabus supplicationibus, seu commissionibus coram ipso Collegio proponendis: Et subinde peracto examine si ejusdem Præfecti, atque Collegii, quorum conscientiam oneramus, fuerit concordis iudicio, vel saltem per duas ex tribus partibus votorum, quæ secretò per fabas albas, & nigras profertur volumus approbatus; tunc Præfectus omnibus Nobis, & successoribus nostris relatis, illum auctoritate nostra pronunciet Referendarium, ac in aliorum numerum adscribi mandabit, præstato tamen prius in ejus manibus solito juramento.

Vota signaturæ nemini referantur.

§. 6. Postremo ut in Signaturis tam Gratiæ, quam Justitiæ liberior sit causarum discussio, & votorum prolatio, prohibemus omnibus & singulis tam Votantibus, quam aliis quibuscumque in eisdem Signaturis intervenientibus, ac eorum Auditoribus, & studiorum Coadjutoribus vota ipsa cuiquam alteri etiam speciali expressione digno referre, aut proflare oretenus, vel in scriptis per se ipsos, vel alios quacumque forma, & exquisito modo, sub pœna indignationis nostræ.

Clausula sublata.

§. 7. Decernentes præfatas litteras validas, & efficaces existere, suosque plenarios, & integros effectus sortiri, & obtinere, ac ab omnibus, ad quos spectat, & spectabit in futurum inviolabiliter observari: Sicque per quoscumque Judices etiam causarum Palatii Apostolici Auditores, ac Sanctæ Romanæ Ecclesiæ Cardinales, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiri debere: irritum quoque, & inane, si secus super his à quoquam quavis auctoritate scienter, vel ignoranter contigerit attentari.

Contrariis derogat.

§. 8. Non obstantibus præmissis, ac quatenus opus sit nostra, & Cancellariæ Apostolicæ regula de gratis non concedendis adinstar, ac fel. recor. Pij Papæ IV, prædecessoris nostri de gratis interesse Camera Apostolicæ quomodolibet concernentibus in prædicta Camera registrandis, aliisque Constitutionibus, & ordinationibus Apostolicis, ac omnibus illis, quæ præfati prædecessores in dictis constitutionibus voluerunt non ob stare, cæterisque contrariis quibuscumque. Nulli ergò omnino hominum liceat hanc paginam nostræ confirmationis, innovationis, erectionis, institutionis, voluntatis, & decreti infringere, vel ei ausu temerario contraire. Si quis autem hoc attentare præsumperit indignationem Omnipotentis Dei, ac Beatorum Petri & Pauli Apostolorum ejus se noverit incursurum.

Datum Romæ apud S. Mariam Majorem Anno Incarnationis Dominicæ 1659. Idibus Junii Pont. Nostri anno quinto.

Dat. P. A. 5. 13. Jun. 1660.

Anno à Nativitate Domini Nostri Jesu Christi, millesimo sexcentesimo quinquagesimo nono, Indictione 12. Pontificatus autem Sanctissimi in Christo Patris, & Domini N. D. Alexandri Divina Provid.

Papæ